

Headline	Yayasan Maybank anjur program Cahaya Kasih		
MediaTitle	Kosmo		
Date	02 Aug 2012	Color	Full Color
Section	Niaga	Circulation	115,967
Page No	I-52	Readership	406,000
Language	Malay	ArticleSize	205 cm ²
Journalist	N/A	AdValue	RM 1,782
Frequency	Daily	PR Value	RM 5,346



Yayasan Maybank anjur program Cahaya Kasih

DIHARGAI. Yayasan Maybank yang menjadi platform bagi kumpulan Maybank untuk membantu golongan yang tidak bernasib baik telah menganjurkan program Cahaya Kasih di Kuala Lumpur baru-baru ini.

Lebih daripada 150 orang warga tua, anak-anak yatim, ibu tunggal dan golongan cacat anggota daripada beberapa rumah kebajikan dan sekolah terpilih diraikan pada majlis berbuka puasa.

Mereka turut menerima sumbangan berupa hadiah dan duit raya.

Turut hadir pada majlis tersebut ialah Pengerusi Maybank, Tan Sri

Megat Zaharuddin Megat Mohd. Nor serta Presiden dan Ketua Pegawai Eksekutif Maybank yang juga Pengerusi Yayasan Maybank, Datuk Seri Abdul Wahid Omar.

Pada majlis yang sama, yayasan berkenaan turut menyerahkan sumbangan tunai berjumlah RM72,000 kepada Majlis Aids Malaysia yang diwakili oleh Presiden-nya, Datuk Dr. Raj Karim.

Dana ini diraih menerusi lelongan barangan cenderahati Manchester United pada majlis TreatsFair 2012 yang diadakan di Mid Valley, Kuala Lumpur baru-baru ini.



ABDUL WAHID (enam dari kanan, belakang) dan Megat Zaharuddin (lima dari kanan, belakang) bersama sebahagian daripada kanak-kanak yang diraikan pada majlis Cahaya Kasih di Kuala Lumpur baru-baru ini.